



LAPORAN LIPUTAN MEDIA

KHAMIS / 7 SEPTEMBER 2023

- 1. PERKENAL ‘BERAS RAHMAH’ – UTUSAN MALAYSIA**
- 2. TERENGGANU NEGERI PERTAMA KELUAR BERAS SENDIRI – UTUSAN MALAYSIA**
- 3. POLISI INTERVENSI BANTU AGENSI, BUKAN PETANI – UTUSAN MALAYSIA**
- 4. PASTIKAN PENGILANG TIDAK SOROK STOK BERAS – UTUSAN MALAYSIA**
- 5. HARGA SEPINGGAN NASI PUTIH RM 2 – HARIAN METRO**
- 6. BUKAN ALASAN NAIK HARGA MAKANAN – HARIAN METRO**
- 7. SABAH MAHU MONOPOLI IMPORT BERAS BERNAS TAMAT – HARIAN METRO**
- 8. PENIAGA MENGELAH TAK DAPAT PENUHI PERMINTAAN PELANGGAN – HARIAN METRO**
- 9. ABO FAMA KUMPUL TRANSAKSI RM 12 JUTA SEJAK DIDAFTARKAN – HARIAN METRO**
- 10. PEMBORONG, PERUNCIT DIMINTA AKUR ELAK KENA TINDAKAN – BERITA HARIAN**
- 11. SABAH MINTA TAMATKAN MONOPOLI IMPORT BERNAS – BERITA HARIAN**
- 12. PROJEK MADA TERBENGKALAI RUGIKAN 300 PESAWAH – BERITA HARIAN**

DISEDIAKAN OLEH:

CAWANGAN KOMUNIKASI KORPORAT (MADA)

KERATAN AKHBAR : UTUSAN MALAYSIA

TARIKH : 7 SEPTEMBER 2023

PERKARA : ISU SEMASA

Perkenal 'Beras Rahmah'

Oleh MOHAMAD SHOFI MAT ISA
shofi.na@mediana.com.my

MARAN: Kerajaan perlu memperkenalkan subsidi dan Beras Rahmah-Malaysia Madani dalam usaha mengawal harga sumber karbohidrat itu yang kini menjadi igauan buruk rakyat khususnya dalam kalangan golongan kurang berkemampuan.

Keprihatinan Kerajaan Perpaduan ketika ini akan membantu meringankan beban rakyat yang terkesan akibat pandemik Covid-19 melibatkan hampir 500,000 keluarga yang akan mendapat manfaat daripada program sosial itu.

Bercakap kepada Utusan Malaysia, Presiden Persatuan Beras Bumiputera Malaysia (Barim), Ismail Awang berkata, anggaran jumlah subsidi diperlukan dalam industri beras negara adalah sekitar RM500 juta setahun.

"Ini perlu difikirkan pelaksananya oleh kerajaan dan sebagai contoh pada pada 30 Ogos lalu, Petroleum Nasional Bhd, (Petronas) mencatat keuntungan bersih RM40.2 bilion bagi tempoh separuh pertama 2023.

"Keuntungan diperoleh Petronas itu boleh dikembalikan

Bekalan beras tempatan pulih dalam sebulan - Mat Sabu



kepada rakyat menerusi pemberian subsidi beras.

"Hasil Petronas adalah hak rakyat jadi tidak salah ia dikembalikan kepada rakyat. Jumlahnya pun tidak sampai RM1 bilion, sekitar RM800 juta setahun," katanya di sini semalam.

Baru-baru ini Utusan Malaysia melaporkan, kerajaan akan mengadakan pertemuan dengan Padiberas Nasional Berhad (Bernas), pegawai-pegawai tinggi Lembaga Padi dan Beras Negara (LPN) serta pesawah hari ini bagi membincangkan isu bekalan beras tempatan.

Menteri Pertanian dan Keterjaminan Makanan, Datuk Seri Mohamad Sabu berkata, pihak pengilang dan Lembaga Pe-

masaran Pertanian Pesekutuan (FAMA) sudah diarah mengantar bekalan di mana-mana lokasi berlaku kekurangan beras.

Ketika ini Malaysia banyak bergantung kepada import makanan khususnya beras yang merupakan makanan ruji rakyat di sebalik hasil pula masih rendah iaitu sekitar 1.7 juta tan metrik beras setahun pada 2021.

Ismail berkata, memperkenalkan subsidi dan Beras Rahmah adalah langkah terbaik untuk memastikan rakyat masih mampu membeli dan menikmati makanan karbohidrat yang membekalkan sumber tenaga kepada manusia.

Katanya, mengambil kira formula subsidi telur ayam dan

ayam segar, ia perlu diperluas dalam industri beras sama ada 'mengambil' separuh jumlah subsidi itu untuk diperuntukkan kepada beras.

"Jika tiada telur atau ayam, rakyat ada pilihan makanan lain. Tapi jika tiada beras yang merupakan makanan utama, rakyat hendak makan apa? Kenapa kerajaan bersusah payah beri subsidi pada ayam dan telur sedangkan beras makanan utama?"

"Jadi, langkah terbaik adalah kurangkan 50 peratus subsidi ayam dan telur, beri kepada beras supaya wujud keseimbangan," katanya.

Mengulas hala tuju industri beras negara, beliau berkata, kerajaan perlu mewujudkan badan pengawal khas bagi industri beras negara.

"Sebagai contoh untuk pembersihan awam, di Pahang ini misalnya ia diselesaikan oleh Perbadanan Pengurusan Sisa Pepejal dan Pembersihan Awam (SWCorp). Beras pun perlu begitu.

"Kena ada operator utama yang mengawal selia industri beras seperti mana SWCorp, jika ada masalah kerajaan terus mencari operator ini bagi menyelesaikan isu atau masalah yang berlaku," katanya.

KERATAN AKHBAR : UTUSAN MALAYSIA

TARIKH : 7 SEPTEMBER 2023

PERKARA : ISU SEMASA

Terengganu negeri pertama keluar beras sendiri

Oleh **TENGGU DANISH BAHRI**
TENGGU YUSOFF
utusannews@redmulla.com.my

KUALA TERENGGANU: Terengganu mengeluarkan beras sendiri dengan jenama Beras Ganu bagi memenuhi permintaan pengguna di negeri ini sejak Julai lalu.

Pengerusi Jawatankuasa Pertanian, Industri Asas Tani, Keterjaminan Makanan dan Komoditi negeri, Dr. Azman Ibrahim berkata, setakat ini, sebanyak 60 tan metrik beras jenama tersebut berada dalam pasaran di negeri ini pada setiap bulan.

Menurutnya, Terengganu Agrotech Development Corporation Sdn. Bhd. (TADC) diberi tanggungjawab untuk menguruskan pembungkusan, pengedaran dan mempromosikan Beras Ganu MyGAP.

Katanya, Beras Ganu yang dikeluarkan itu merupakan beras Super Special Tempatan (SST) berkualiti tinggi dari sawah padi tempatan dan mempunyai Sijil Amalan Pertanian Baik Malaysia (MyGAP).

"Pengeluaran Beras Ganu itu juga akan ditingkatkan 100 tan metrik bagi menampung permintaan yang dijangka meningkat selepas ini berikutan kenaikan harga beras tempatan," katanya ketika dihubungi semalam.

Selain itu, Azman berkata, TADC akan berusaha dengan Padiberas Nasional Berhad (Ber-nas) untuk mendapatkan tamba-



SEBAHAGIAN Beras Ganu yang dikeluarkan TADC untuk memenuhi pasaran beras di Terengganu.

han beras berikutan penanaman padi musim pertama sudah berakhir Jun lalu.

Jelasnya, langkah tersebut diambil bagi menampung permintaan beras di negeri ini.

"Musim pertama pengeluaran padi daripada petani tempatan berakhir Jun lalu dan pengeluaran musim kedua dijangka November

depan," ujarnya.

Dalam pada itu, beliau memberitahu, TADC membelanjakan sebanyak RM270,000 untuk pembelian beras daripada beberapa kilang padi di negeri ini untuk proses pembungkusan sebelum dibekalkan kepada pengedar tunggal yang dilantik untuk dipasarkan.

"Beras Ganu dijual harga RM12.90 bagi beg lima kilogram (kg) dan RM25.60 begi 10kg," katanya.

Mengenai hasil pengeluaran padi, Azman berkata, jumlah pengeluaran padi di negeri ini meningkat sebanyak 75,013 tan metrik pada tahun 2021 berbanding hanya 73,068 tan metrik pada 2020.

KERATAN AKHBAR : UTUSAN MALAYSIA

TARIKH : 7 SEPTEMBER 2023

PERKARA : ISU SEMASA

Polisi intervensi lapuk bantu agensi, bukan petani

PETALING JAYA: Agensi badan berkanun yang ditubuhkan kerajaan pada tahun 1960-an untuk membantu petani tidak lagi relevan apabila kehidupan petani masih di takuk lama.

Bahkan polisi lapuk itu antara punca wujudnya monopoli dan orang tengah dalam struktur pemasaran padi dan turut mengakibatkan kemerosotan hasil padi yang dihadapi negara sejak 2015.

Bercakap kepada *Utusan Malaysia*, Felo Perunding, Laboratori Kajian Polisi Pertanian dan Makanan, Universiti Putra Malaysia (UPM), Prof. Dr. Fatimah Mohamed Arshad berkata, pada zaman 1960-an, polisi tersebut rasional untuk membantu petani kecil menguruskan pembangunan tanah, pengeluaran serta pemasaran komoditi.

Menurut beliau, bahkan badan tersebut berjaya membawa golongan tersebut yang ketika itu ketinggalan daripada aspek pendidikan, keluar daripada kepompong kemiskinan.

Bagaimanapun, beliau berkata, setelah beberapa dekad polisi intervensi tersebut mula menunjukkan kesan luar jangkaan antaranya, yang diperkasakan bukanlah golongan petani sebaliknya agensi ditubuhkan.

Katanya, agensi tersebut menjadi semakin besar dan memiliki pelbagai anak syarikat, tetapi golongan petani di takuk lama.

“Penumpuan kepada keuntungan agensi dan subsidiari menyebabkan kerjaya dan perusahaannya petani terbatas sebagai pengeluar sahaja. Tiada peluang pergerakan kerjaya menegak ma-

hupun mendatar.

“Selain itu, dana awam besar tahun demi tahun perlu diperuntukkan kepada agensi berkenaan untuk membantu pekebun kecil kerana gagal meningkatkan pendapatan mereka walaupun ditadbir sejak lebih separuh abad,” katanya.

Menurut Fatimah, rasionalnya polisi intervensi tersebut adalah kerana golongan tersebut tidak mampu berdikari tanpa bantuan kerajaan kerana kekurangan modal dan akses kepada maklumat terbatas justeru keputusan penubuhan agensi sedemikian menepati tuntutan pasaran pada era berkenaan.

“Dalam kes sektor padi dan beras, untuk mengelakkan petani daripada cengkaman orang tengah, kerajaan mewujudkan agensi Lem-

baga Padi dan Beras Negara (LPN) untuk mengambil alih kegiatan pemasaran padi dan beras petani.

“Rasionalnya ialah syarikat besar mampu membantu petani dalam aspek pemasaran, import dan pengagihan beras dengan cekap. Sektor ini juga dilindungi sepenuhnya dengan kawalan harga lantai dan siling, pemusatan agihan baja serta sokongan subsidi input dan tunai,” katanya.

Beliau berkata demikian ketika mengulas berhubung laporan *Utusan Malaysia* berkaitan hasil padi negara merosot sehingga lebih 300,000 tan metrik dalam tempoh enam tahun sejak 2015 di seluruh negara, sekali gus menjadi antara faktor kekurangan bekalan beras tempatan semakin sukar untuk mencapai tahap saraan diri.

KERATAN AKHBAR : UTUSAN MALAYSIA

TARIKH : 7 SEPTEMBER 2023

PERKARA : ISU SEMASA

Pastikan pengilang tidak sorok stok beras

PETALING JAYA: Pihak berkuasa perlu memastikan pengilang tidak menyorok stok beras tempatan di gudang untuk meraih keuntungan berganda.

Sepanjang minggu ini harga beras tempatan di kebanyakan kawasan naik disebabkan kekurangan stok.

Presiden Gabungan Persatuan-Persatuan Pengguna Malaysia (FOMCA), Datuk Dr. Marimuthu Nadason berkata, pemantauan pihak berkuasa harus berterusan untuk memastikan tiada pihak yang menyimpan stok beras di gudang.

"Kerajaan harus memastikan bekalan sentiasa mencukupi di pasaran, jangan tutup mata begitu sahaja.

"Sekiranya tiada jalan lain, kerajaan terpaksa menggunakan subsidi sementara waktu sehingga harga beras kekal stabil di pasaran seluruh negara.

"Pengguna juga diharapkan tidak panik dengan isu kekurangan beras tempatan," katanya ketika dihubungi.

Marimuthu berkata, kecukupan beras kini hanya 50 peratus justeru ia harus ditingkatkan ke sekurang-kurangnya 65 peratus bagi mengurangkan kebergantungan negara.

Katanya, bagi jangka masa panjang, kerajaan boleh merancang untuk menggunakan tanah-tanah terbiar untuk penanaman padi bagi meningkatkan pengeluaran tempatan.

"Terdapat pihak mendakwa pengilang membuat pembungkusan semula beras tempatan dengan menukar status kepada beras import untuk mengaut keuntungan berlipat ganda disebabkan harga beras import lebih tinggi.

"Isu ini tiada bukti, oleh itu jangan sebarkan maklumat yang tidak dibuktikan," kata beliau.

KERATAN AKHBAR : HARIAN METRO

TARIKH : 7 SEPTEMBER 2023

PERKARA : ISU SEMASA

Harga sepinggan nasi putih **RM2**

Oleh Aqil Sharullizam dan Suhaila Khairie
am@hmetro.com.my

Peniaga masih kekalkan walaupun berlaku kenaikan beras putih import, kekurangan SST

Kuala Lumpur

Kebanyakan peniaga makanan masih mengekalkan harga sepinggan nasi putih walaupun berlaku kenaikan harga beras putih import dan kekurangan bekalan beras super spesial tempatan (SST) bagi mengelakkan pelanggan terbeban.

Tinjauan Harian Metro mendapati kebanyakan premis makanan di ibu kota masih mengekalkan harga sepinggan nasi putih pada kadar antara RM2 hingga RM3 sepinggan.

Pengusaha restoran nasi kandar, Bashir Moideen, 44, berkata, tiada sebarang kenaikan bagi harga untuk sepinggan nasi putih di premisnya buat masa ini.

"Kita masih menjual nasi putih biasa dengan harga RM2 sepinggan manakala nasi tambah pula dikenakan caj RM1 sahaja.

"Harga dan saiz hidangan masih kekal sejak tiga tahun lalu walaupun berhadapan dengan pelbagai isu kenaikan harga barang.

"Di kedai saya sekarang menggunakan beras putih import yang dibeli pada harga RM29.80 untuk 10 kilogram (kg) berbanding



TEJUAN harga makanan susulan kenaikan harga beras di sekitar Kuala Lumpur, semalam. - Gambar NST/SAIFULLIZAN TAMADI

RM26 sebelum ini," katanya.

Sementara itu, pengurus sebuah restoran, Ricky Yo, 50, berkata harga nasi putih di premisnya juga dikekalkan apabila menerima bekalan beras SST pada harga ditetapkan pembekal.

"Beras tempatan (SST) yang kami guna akan dibekalkan oleh pembekal melalui kontrak yang sudah dipersetujui menye-

babkan harga masih boleh dikawal walaupun tidak dinafikan berlaku kenaikan harga beberapa barangan keperluan lain.

"Kenaikan harga beras itu ada, tapi kita dapat berunding terus dengan pembekal bagi memastikan harga yang mereka kenakan masih dalam kawalan.

"Harga bagi sepinggan nasi adalah RM2.50 manakala bagi nasi goreng pula

adalah RM16. Ia diambil dikira berdasarkan kos sewaan tapak, gaji pekerja dan bahan keperluan makanan yang saban hari semakin meningkat," katanya.

Katanya, pihaknya sentiasa prihatin dan tidak menaikkan harga makanan sesuka hati walaupun menyedari berlaku kenaikan harga beras ketika ini.

KERATAN AKHBAR : HARIAN METRO

TARIKH : 7 SEPTEMBER 2023

PERKARA : ISU SEMASA

Bukan alasan naik harga makanan

Kuala Lumpur: Kenaikan harga beras import tidak boleh dijadikan alasan untuk peniaga menaikkan harga makanan sewenangnya.

Menurut Presiden Persatuan Pengusaha Restoran Muslim Malaysia (Presma) Datuk Jawahar Ali Taib Khan meminta semua ahli di bawah persatuan itu agar tidak menaikkan harga nasi putih di setiap premis mereka.

"Saya sudah berbincang dengan hampir 12 ribu ahli Presma supaya memastikan harga sepinggan nasi putih dapat dikawal serta tidak dinaikkan pada waktu terdekat ini.

"Walaupun ada yang berpendapat harga (sepinggan nasi) akan memberi kesan kepada peniaga tapi kebanyakannya bersejua dan akur.

"Mungkin harganya berbeza mengikut kawasan, perkara ini berlaku oleh kerana kos sewaan premis di setiap kawasan adalah tidak sama," katanya.

Jawahar turut berkongsi kebergantungan mereka terhadap beras tempatan memang tinggi tetapi kini bekalannya semakin sukar diperoleh.

"Harga beras bagi 5 kilogram (beras import) yang saya beli pada pemborong pada bulan puasa adalah RM13.80 dan baru ini saya beli dengan harga borong sudah meningkat kepada RM17.90.



Saya sudah berbincang dengan hampir 12 ribu ahli Presma supaya memastikan harga sepinggan nasi putih dapat dikawal serta tidak dinaikkan pada waktu terdekat ini"

Jawahar Ali

"Bila kita kekalkan harga, keuntungan pastinya akan menurun tetapi saya tetap berpegang kepada konsep amal jariah kepada pelanggan.

"Di kedai pun saya masih menyediakan Menu Rahmah dan ramai yang menyokong perkara berkenaan," katanya.

KERATAN AKHBAR : HARIAN METRO

TARIKH : 7 SEPTEMBER 2023

PERKARA : ISU SEMASA

Sabah mahu monopoli import beras Bernas ditamat

Kota Kinabalu: Sabah mahu monopoli import beras yang ketika ini dipegang Padi Beras Nasional Berhad (Bernas) ditamatkan supaya negeri ini boleh mengimport sendiri bahan makanan ruji itu.

Timbalan Ketua Menteri Sabah Datuk Dr Jeffrey Kitingan berkata, import beras seharusnya diurus sendiri negeri ini dengan pendekatan yang lebih rapi berdasarkan landskap sosial dan keunikan geografinya.

"Sudah tiba masanya Sabah bebas daripada kekangan monopoli entiti tunggal yang sudah begitu lama mencorak pasaran tempatan kita.

"Saya percaya perubahan

ini dapat merangsang persaingan dan membawa kepada bekalan beras yang lebih stabil dan mungkin harga yang lebih rendah kepada pengguna di negeri ini," katanya pada kenyataan, semalam.

Beliau yang juga Menteri Pertanian, Perikanan dan Industri Makanan negeri berkata demikian mengulas isu peningkatan harga beras import susulan tindakan Bernas menaikkan harga bahan makanan itu.

Katanya, beliau membuat cadangan untuk mengurus sendiri import beras berikutan kebimbangan orang ramai di negeri ini berkaitan jangkaan peningkatan harga beras putih import hingga 36 peratus seperti

diumumkan Bernas.

Peningkatan harga itu, katanya bukan saja mengganggu kestabilan perbelanjaan isi rumah, malah boleh menjejaskan kebajikan keluarga berpendapatan rendah.

"Bernas mesti telus dalam mekanisme harga dan tahap bekalan berasnya. Orang ramai berhak untuk mengetahui bagaimana harga ditentukan dan apa pendekatan diambil bagi menstabilkan pasaran," katanya.

Selain itu, Jeffrey berkata, Bernas patut mengeluarkan stok tambahan daripada simpanannya memandangkan ia bukan aset perniagaan semata-mata.

KERATAN AKHBAR : HARIAN METRO

TARIKH : 7 SEPTEMBER 2023

PERKARA : ISU SEMASA

Peniaga mengeluh tak dapat penuhi permintaan pelanggan

Georgetown: Peniaga di sekitar bandar raya ini dalam dilema apabila mendakwa hanya menerima beras putih import daripada pembekal berbanding beras super spesial tempatan (SST), sekaligus tidak dapat memenuhi permintaan pelanggan.

Tinjauan di Pasar Awam Jalan Patani mendapati rata-rata peniaga mendakwa ramai pelanggan kecewa kerana gagal mendapatkan beras SST kerana harganya yang lebih murah berbanding beras import.

Seorang peniaga dikenali sebagai Pak Din, 60, berkata setiap minggu sebanyak 10 kampak beras SST lima kilogram dihan-



PAK Din mendakwa dibekalkan beras putih import ketika ditemui di kedainya di Pasar Awam Jalan Patani, Georgetown.

tar pembekal ke premis perniagaannya yang dijual pada harga RM15 setiap satu.

Namun, sejak minggu lalu, pembekal menghantar 10 kampak beras putih import lima kilogram pada harga RM18.90 bagi setiap

satu dan mendakwa mereka tiada bekalan beras SST.

“Pembeli tidak mahu beli beras ini (beras import) kerana lebih mahal malah ada yang mendakwa kami sengaja tidak mahu menjual beras SST,” katanya.

KERATAN AKHBAR : HARIAN METRO
TARIKH : 7 SEPTEMBER 2023
PERKARA : ISU SEMASA

ABO FAMA kumpul transaksi RM12 juta sejak didaftarkan

George Yowry, Lembaga Pemantauan Perlesenan Persekitaan (EMPA) statistik portal Agribusiness Online (ABO) berjaya mengumpulkan transaksi worth RM12 juta sejak portal itu didaftarkan pada awal minggu Ogos lalu.

Permeriksaan perlesenan, secara umum, telah adalah sangat signifikan kerana membolehkan para pengguna membeli serta berjualan dengan menggunakan portal e-dagang bagi membolehkan pengguna

pernah mereka. "Inisiatifnya kita boleh lihat apabila nilai jualan portal ABO meningkat sebanyak RM12 juta sejak didaftarkan pada minggu Ogos lepas berbanding dengan tahun sebelumnya. Jumlah transaksi portal meningkat pula kita bisa lihat pada tahun ini berbanding dengan tahun

lepas," katanya kepada pemberita di sini semalam. Beliau ditemui selepas menghadiri mesyuarat pelancaran portal ABO 3.0 dan pada minggu itu turut diadakan sesi koordinasi dengan perlesenan (MoU) antara FAMA dan Basir Merchant Services Sdn Bhd. Abdul Rashid berkata, selain membolehkan un-

tuk memasarkan pemasaran portal ABO, FAMA juga membolehkan strategi pemasaran produk agrikultur dengan meningkatkan kerjasama strategik bersama portal e-dagang swasta yang lebih terkenal dan mempunyai portal pengguna yang tinggi.

Menurut beliau, melalui kerjasama strategik itu pihaknya telah berjaya mencatatkan nilai jualan sebanyak RM12 juta. "Pada hari ini, FAMA bersama Basir Merchant Services Sdn Bhd menjalin kerjasama strategik pendigitalan di dalam usaha untuk mempromosikan transaksi secara digital atau tanpa tunai," katanya. - Bernama

KERATAN AKHBAR : BERITA HARIAN

TARIKH : 7 SEPTEMBER 2023

PERKARA : ISU SEMASA

Pemborong, peruncit diminta akur elak kena tindakan

Dari Kuala Lumpur

Bekas yang juga Setiausaha Bahagian Industri Padi dan Beras berkata, hasil siasatan pihaknya mendapati segelintir peniaga membeli BPT sehingga 600 kampak untuk menjatuhkan kos dan menguasai keuntungan mudah.

"Peniaga komunya mahu menurunkan kos yang perlu ditanggung mereka dengan membuat pembelian BPT antara 500 hingga 600 kampak.

"Bagaimanapun, peniaga ditihat masih mengekalkan harga nasi di premis masing-masing pada kadar sama. Tiada penurunan harga berlaku, walaupun mereka membeli BPT secara pukal.

"Justeru, kita lihat ada keperluan menghadkan kuantiti pembelian BPT mengikut ketetapan dalam peraturan sedia ada, walaupun ia tidak pernah dikuatkuasakan sebelum ini," katanya.

Sementara itu, melaporkan bekalan BPT di seluruh negara dijangka pulih dalam tempoh sebulan susulan langkah intervensi segera yang sedang dilaksanakan kerajaan.

Menteri Pertanian dan Keterjaminan Makanan, Datuk Seri Mohamad Sabu, dipetik berkata langkah intervensi menerusi Program Khas BPT itu akan meningkatkan lebih 30 peratus keuntungan peniagaan beras di pasaran

sepanjang negara.

Melalui itu, KPSM meminta pengilang padi dan pemborong meningkatkan bekalan sebanyak 30 peratus menerusi Program Khas BPT sebagai langkah intervensi memulihkan bekalan.

Siapa yang membeli BPT?

Sementara itu, Azman menggesa pemborong dan peruncit mematuhi penetapan berkenaan bagi mengelak dikenakan tindakan, termasuk pembatalan lesen ke

atas mereka.

"Pihak swasta yang dikenal pasti gagal mematuhi penetapan ini juga boleh didenda RM25,000 untuk kesalahan pertama, manakala RM50,000 bagi kesalahan kedua dan seterusnya."

"Individu perundangan pula boleh didenda RM11,000 bagi kesalahan pertama, manakala RM25,000 bagi kesalahan kedua dan seterusnya," katanya.

Dalam pada itu, Azman ketika ditanya dakwaan wujud tinda-

kan manipulasi bekalan BPT berkata, pihaknya setakat ini belum menerima sebarang bukti membolehkan tindakan segelintir golongan tidak bertanggungjawab yang dikatakan menukarkan bungkusan BPT kepada kampak beras import.

Ahmad Idris, Mohamad yang juga

Ahli Parlimen Kota Raja dipecat berkata, pihaknya mengesyaki wujud tindakan memulihkan bekalan BPT dengan menukarkan bungkusan kepada kampak beras import, dipertikai dilakukan segelintir pihak tidak bertanggungjawab demi meraih keuntungan mudah.



Peniaga nasi lemak, Haniza Ibrahim masih mengelakkan harga jualan ketika tinjauan BH di sekitar Kuala Lumpur, semalam. (Foto: Sahabat Teras/BH)

Ibadat & Fadhilat

Abdullah bin Mas'ud r.a. melaporkan bahawa Rasulullah saw bersabda, "Jangan merasa iri hati, kecuali kepada dua orang: 1. Orang yang diberi Allah harta, kemudian diperginkannya untuk yang baik, dan 2. Orang yang diberi Allah hikmah (ilmu yang baik), kemudian diperginkannya untuk yang baik serta dijaganya." (HR Bukhari)

KAWASAH	SURUH	TUNDUK	ASAR	MAGHRIB	WYAH
Kelang	6:02	1:19	4:30	7:26	8:36
Ayer Setar	6:02	1:19	4:18	7:26	8:36
P. Pinang	6:03	1:19	4:20	7:26	8:31
Ipoh	6:01	1:17	4:18	7:21	8:31
Kuala Lumpur	5:59	1:16	4:16	7:18	8:27
Shah Alam	5:55	1:16	4:19	7:18	8:27
Johor Bahru	5:51	1:06	4:13	7:09	8:18
Kuantan	5:54	1:08	4:16	7:12	8:21
Seremban	5:50	1:11	4:10	7:16	8:25
Bandar Melaka	5:57	1:12	4:18	7:15	8:26
Kota Bharu	5:55	1:11	4:12	7:17	8:21
K. Terengganu	5:52	1:08	4:05	7:12	8:22
Kota Kinabalu	5:01	12:18	3:19	6:22	7:32
Kuching	3:26	12:41	3:48	6:44	7:53

KERATAN AKHBAR : BERITA HARIAN

TARIKH : 7 SEPTEMBER 2023

PERKARA : ISU SEMASA

Sabah minta tamatkan monopoli import BERNAS

Langkah bolehkan kerajaan negeri urus sendiri dengan pendekatan rapi

Oleh Izwan Abdullah
bhnews@bh.com.my

Kota Kinabalu: Sabah mahu monopoli import beras yang ketika ini dipegang Padi Beras Nasional Berhad (BERNAS) ditamatkan supaya negeri ini boleh mengimport sendiri bahan makanan raji itu.

Timbalan Ketua Menteri Sabah, Datuk Dr Jeffrey Kitingan, berkata import beras seharusnya diurus sendiri negeri ini dengan pendekatan lebih rapi berdasarkan landskap sosial dan keuni-

kan geografinya.

"Sudah tiba masanya Sabah bebas daripada kekangan monopoli entiti tunggal yang sudah begitu lama mencorak pasaran tempatan kita.

"Saya percaya perubahan ini dapat merangsang persaingan dan membawa kepada bekalan beras yang lebih stabil dan mungkin harga yang lebih rendah kepada pengguna di negeri ini," katanya dalam satu kenyataan, semalam.

Beliau yang juga Menteri Pertanian, Perikanan dan Industri Makanan Sabah berkata, demikian mengulas isu peningkatan harga beras import susulan tindakan BERNAS menaikkan harga bahan makanan itu, baru-baru ini.

Katanya, cadangan mengurus sendiri import beras itu berikutan kebimbangan orang ramai di Sabah mengenai jangkaan peningkatan harga beras putih import sehingga 36 peratus seperti

Bekalan beras tempatan pulih dalam tempoh sebulan



diumumkan BERNAS.

Berhik tahu penentuan harga

Peningkatan harga itu, katanya, bukan sahaja mengganggu kestabilan perbelanjaan isi rumah, malah boleh menjejaskan kebajikan keluarga berpendapatan rendah.

"BERNAS mesti telus dalam mekanisme harga dan tahap bekalan berasnya. Orang ramai berhak untuk mengetahui bagaimana harga ditentukan dan apa pendekatan diambil bagi menstabilkan pasaran," katanya.

Selain itu, Jeffrey berkata,

BERNAS patut mengeluarkan stok tambahan daripada simpanannya memandangkan ia bukan aset perniagaan semata-mata.

Katanya, simpanan beras adalah sumber awam, khususnya ketika peningkatan permintaan atau berlaku ketidakstabilan pasaran seperti sekarang.

"Sudah tentu semua perniagaan mahu menjana untung, tetapi BERNAS mengendalikan bahan keperluan asas, jadi keuntungan tidak boleh datang dengan mengorbankan keperluan asas rakyat," katanya.

Berdasarkan data Kementerian Pertanian dan Keterjaminan Makanan, katanya, import beras di Sabah mencapai 290,000 tan termasuk simpanan pada 2021, manakala pengeluaran beras tempatan hanya 22,000 tan.

Jeffrey berkata, kementerian sedang berusaha mengurangkan pergantungan terhadap beras import menerusi pelbagai projek di bawah inisiatif pelan

"Saya percaya perubahan ini dapat merangsang persaingan dan membawa kepada bekalan beras lebih stabil dan mungkin harga yang lebih rendah kepada pengguna di Sabah"



Jeffrey Kitingan,
Timbalan Ketua Menteri Sabah

pembangunan Sabah Maju Jaya (SMJ) bagi mencapai sasaran meningkatkan tahap sara diri (SSL) pengeluaran padi dan beras di negeri ini kepada 60 peratus pada 2030.

Antara langkah diambil, katanya, dengan mewujudkan semula Lembaga Padi dan Beras Sabah bagi membantu petani meningkatkan pengeluaran padi menerusi pembukaan semula sawah padi terbiar dan menaik taraf sistem pengairan sedia ada.

KERATAN AKHBAR : BERITA HARIAN

TARIKH : 7 SEPTEMBER 2023

PERKARA : ISU SEMASA

Projek MADA terbengkalai rugikan 300 pesawah



Masalah perparitan yang tidak diselenggara dengan baik di kawasan Pida Tiga dan Lima, Jitra.

(Foto Noorazura Abdul Rahman/BH)

Jitra: Kira-kira 300 pesawah di kawasan Pida Tiga dan Lima di sini, kerugian puluhan ribu ringgit selepas sawah mereka dipenuhi air akibat masalah perparitan tidak diselenggara dengan baik.

Kadaan itu menyebabkan padi yang hanya menunggu masa untuk dituai rosak, akibat terlalu lama terendam.

Petani Shahidan Saad, 61, mendakwa keadaan itu berpunca daripada projek pembangunan sistem pengaliran tersier di bawah Program Pemacu Pertanian Kawasan Muda (MADA) Wilayah 1 gagal disiapkan sejak dimulakan pada Mac 2021.

"Sepatutnya projek itu dijang-

ka siap pada Mac 2023, namun sehingga kini terbengkalai. Tali air yang menjadi tempat saliran menjadi semakin cetek sehingga air dari petak sawah tidak dapat disalurkan.

"Kami petani terpaksa mengeluarkan modal tambahan sendiri untuk mengepam air keluar dari petak sawah berikutan cuaca hujan hampir setiap hari ketika ini.

"Pokok padi tidak boleh terendam terlalu lama kerana akan mereput. Untung jualan hasil padi belum menentu, tetapi kami terpaksa berhadapan masalah ini pula," katanya di sini, semalam.

Bagi Mohd Shukri Hasan, 49, berkata mereka tidak mambantah atau menolak projek pengaliran dilaksanakan MADA, namun

perlu disiapkan segera bagi mengelak membebankan pesawah.

"Ketika mahu dilaksana, tiada pihak berbincang dengan pesawah dan sekarang menjadi projek bermasalah.

"Sepatutnya ada perbincangan dengan pesawah mengenai masalah berlaku di petak sawah kami, tetapi tidak dilakukan. Akhirnya pesawah jadi mangsa," katanya.

Seorang lagi pesawah, Ali Baharom, 78, berkata mereka tidak pernah mengalami masalah berkenaan dan mula berlaku sejak beberapa tahun kebelakangan ini.

Beliau berharap masalah tersebut diselesaikan segera oleh MADA bagi elak pesawah terus menanggung kerugian akibat projek saliran yang gagal disiapkan.